

黔南類編卷之八

批詳類

一件酌時宜陳末議等事據蒙化府申詳逃故

阿氏俞丁盡戶絕緣由批

據申已逃故阿氏俞係終身軍況查丁盡戶絕不該勾補且茶次不係常房子孫據例不宜擾害該府豈得不審來歷輕易將茶次解補所據本單法當住勾茶次不該頂補除將茶次夫妻二人發回寧家外仰再查明酌申察院施行繳

一件橫豪爲子嫵婦等事擬雲南府申解犯婦孫氏



緣由批

訪得惡婦孫氏因恨方氏貧無嫁資三年之內自
般凌虐逼令再嫁及臨嫁上轎方氏收拾稍進行
竟打罵然則方氏近則困於公姑之積威遠則終
無親屬之可倚犖犖孤婦與死爲憐其耳就沈雁
時而不敢聲言者思之可流涕也然則孫氏之亞
可勝言哉謝恭元冒濫衣巾全無知覺平時任父
毋凌虐弟媳而不知諫勸臨嫁任父母之橫行而
不發一言及今父因囚圜將及半月則處置遞差
銀兩速救伊父出監者恭元責也乃恬不加意然

則恭元情罪不在恭安之下若二十日銀不完納
該府將孫氏收監仍提恭元問罪申詳提學道施
行繳

一件橫豪血謀凌逼生命事據昔寧州該解犯人金
立祚等緣由批

范廷相金立祚俱省城人金立祚告狀求批昔寧
州蓋與強友直合謀欲以纏累范廷相也范廷相
不赴該州對理非敢拒抗實是不落二人圈套耳
該州若熟知人情所在則申文內不必多言若知
戴僕射雅量更付之忘言矣吾輩做窮秀才時數

日方得肉食今官居方伯從者五人三日方一食肉也蓋人生食祿有限豈可不自撙節若每日食肉又以飽飫其僕婢此非有十餘斤不可積一月計之殊爲駭人此仇忝然之所驚懼者也安百姓均徭役此是守令本等職業該州尊居民上作民父母不可一時忘此念頭昔者巡捕老人五名墮事頗甚邇聞保正六人更復害人其四鄉約正暴橫鄉曲者甚多大房惡吏瞞官害民者得志然則晉寧州之百姓可謂不安矣該州自今以後其度量則當如戴僕射其儉約則當法仇四明其安百姓則當遵

姓則當遵

高廟之聖訓然後可以收之桑榆也此繳

劉仁軌爲左僕射戴至德爲右僕射人皆多劉而鄙戴有老婦陳牒至德方欲下筆老婦問其左右此是劉僕射曰戴僕射因急就前曰此是不解事僕射却將牒來至德笑令授之戴僕射在職無異跡當朝似不能言及薨高宗歎曰自吾喪至德無復聞讜言在時有不是者未嘗放我過因索其前後所陳章奏盈篋闕而流涕朝廷始重之仇忝然守四明與一幙官極相得一日問及公家日用多

少對以十口之家日用一千泰然曰何許多錢曰
早具少肉晚菜羹泰然驚曰某爲太守居常不敢
食肉只是食菜公爲小官廼敢食肉定非廉士自
爾見踈錢甦字更生常熟人洪武十年應詔言星
變

高皇帝加納之召試祭元幼主文稱

昔將擢用之以老疾固辭乃遣歸臨行

高廟面諭之曰爾歸于經過府縣爲我宣諭官吏我
百姓箇箇要安徃役處處要均百姓所以不安徃
役所以不均者皆貪官汚吏壞我法度今後犯者

不饒

高廟創業之君起於民間備知生民疾苦故有是諭
使爲官者人人皆體此意則百姓安而邦本固矣
一件橫豪血謀凌逼生命事據晉寧州申詳至教三
事緣由批

本司前見該州申鄉官侵占水利文書詞雖過激
而語意暢達足覘才力或以州治僻小不足有爲
故委政吏胥玩愒廢日本司欲與之言久矣幸因
范廷相所告申舉三事引古以證之該州果能不
諱痼疾不忌良醫知今是而昨非寔迷途之未遠

從此進於君子之域而洗其既往之愆不難矣聞
有楊愈者係是罷吏前龔守問革人稱其明有張
廷輔者幸離大辟怙終罔悛今在本州舞文弄法
此宜發憤問罪申詳發遣則該州烹阿之勇始足
以回一州之人心而動四方之觀聽也仰虛心行
之

一件患病不能供職懇乞鈞恩容令回籍調理事處
雲南府推官陳昌言呈稱力疾供職恐廢職業且
賤性愚拙不善調停乞早賜歸田等因批
看得本官清年遠器旣已策名

清朝偶髮微疾遽欲乞歸田里在本官言之諒亦有
故在上司觀此多云不祥况

朝廷作養之澤未效涓埃父母教育之恩寸絲未報
天地生成之德毫髮未酬詎欲效五柳以歸歟望
三徑而全止揆之禮義俱屬未安若果宿疾不瘳
館加意調攝上司見諒必不以文法相拘至謂不
善調停恐曠厥職此中有說可以商量昔人有云
不如意事十常八九君子遇難處之人值難處之
事皆可以動心忍性增益其所不能我以誠意感
人人雖強暴亦可感格我以虛心應事事雖鞅鞢

聰明自生本官自今以後宜力制客氣虛心觀理
則接人應事不難調停今做官時以賦性愚拙不
善調停即欲棄之而去也然刑于寡妻至於兄弟
以御於家邦其所當調停者尚多也若諉之不善
調停則父母之邦又將舍之而焉往乎夫顛蹶之
虞生於疾走飲酒濡首爲不知節若夫畏蹶而廢
走因噎而廢食蓋亦傷於慎而無禮矣該府行令
本官立慷慨丈夫之志卓然以遠大爲徒敢從兩
院大君子之教即出供職此繳

一件查理礮課事據楚雄府申詳本府委官搜獲管

場官楊校侵匿課銀緣由批

該府委官得人搜獲侵課其多若此一時司道深
加嘆異嗟呼

朝任福量最大鬼神幽隱難欺楊校蟻官有何福分
敢侵爾匿今各場嗜利小官只知匿課罔念官刑
視楊校可以爲戒矣仰候委官察訪至日併繳
一件竭力報本事據都司陳經歷呈計百戶戴文勝
妄呈餘丁蔡三兒等緣由批

看得蔡三兒骨血雖原蔡氏恩養實賴陳門且律
有遺棄小兒三歲以下雖異姓仍聽收養即從其

姓之文况蔡三兒生止兩朝鄧氏收之滄桑又恩
養二十八年斷從陳姓與例相合若蔡家丁盡戶
絕三兒亦不得歸宗今蔡秀蔡如軍伍有人豈得
違例擾害本官擬斷俱已合律百戶戴文勝冒昧
妄陳姑免問罪本官仍給帖備批詳內事情付陳
信執照陳信於陳舉係恩養父母於蔡秀等是同
胞兄弟其生父蔡圯墳上亦須奠一杯之羨或遇
歲時當致雞酒之敬於二兄也本官諭以大義候
出堂時領一千人衆赴司聽教此繳

一件計處清軍事宜等事據來昌府批差甲首富登

押解逃軍趙雙戶丁趙瑞并妻張氏官解到司緣
由批

查趙雙軍單於嘉靖三十九年爲恤刑事奉

欽依免死充軍后因四十年五月內在逃敘南衛行
文勾取該府只該清查正犯起解如正犯逃亡該
清查的親兒男起解今據申文開稱趙瑞係逃軍
趙雙親姪就使趙瑞係趙雙親姪原非祖軍豈應
將姪頂補况審趙瑞執稱非趙雙親姪也除將趙
瑞夫妻發回該省令寧家外承行官吏法當提問
姑記仰將該吏釗國瑞招詳

一件豪軍脫役賄囑汚吏枉害事據照磨何猷榮呈詳犯人聞詩照舊頂當軍伍領田納糧等因批

看得頂當祖軍宜照倫序不論富貧聞六十聞來生係長房子孫聞詩係次房子孫今聞詔患病只該先儘長房子孫如果聞六十聞來生貧難只該定一人領田其次房見在人丁酌量家道幫助此是正理乃今以貧難者分豁富實者充當不是法律假如聞六十應該襲職豈可以其貧難歸斷次房承襲耶聞詩罪名免先聞六十領田當軍該所議次房見在人丁幫贖寫立議單呈詳

一件計處清軍事宜以便遵守事據末昌府申詳吏

釧國瑞招出批

釧國瑞紙贖仰府行令保山縣承行吏同納取實收繳孫同知於此等事件切須記心趙雙遠戍情罪固宜今使無干趙瑞遠離鄉井奔馳數千里之外荷戈執役是軀二人就之死地也豈為人上之道哉然則該府固免叅究觀此批詳宜有惕然不安於心者勉之勉之併繳

一件欺吞孤孀事據昆明縣申解犯人戴邦教等緣由批

看得戴邦禎與戴天寵等叔姪相毆據邦禎所告則曰天寵等三人自外面來天寵等執稱邦禎昏醉返舍又戴邦治執稱打落老牙未經告鳴難以准信及據戴天與口稱邦禎三更夜回本司問其往何處飲酒係某人家天與一無所答天與父子今與邦禎訐告若使邦禎果自夜半回家豈不訪察夜回踪跡今一問即穹可知曲在天與父子也其卑內所開付托財產事情據告多被邦敦執匿大率仕宦人家被兄弟姪子欺負如吳知縣者甚多相應查究仰陳經歷議處明白具招解詳洪藥二人老奸也不足准信

一件污吏挾財未遂坑陷不得還鄉事據雲南府緣事更趙以化告楊騰龍等緣由批

看得趙以化一月兩詞先後頓異據五月十六日告詞則云俱憑本房做稿書手楊騰龍揚一濂專主做稿呈堂問擬不應還役至二十六日告詞則云俱被趙一經李應元因財坑陷若使趙一經等果有受財情由則十六日因何不行告出且趙以化係承行吏也因何懼怕送銀八兩趙遇芳係正犯也其罪重於以化止送銀三兩何也切詳吏典

詭騙人財物者窺伺上官意嚮可以挽回方敢下手卷查布政使鄔批詳在卷者嚴如鈇鉞則趙遇芳趙以化俱法應革役絕無一毫生意趙一經等縱欲受財有何神術爲二人解脫參詳趙以化已足落水人數又聽人指使牽連別人下水要之雖扳拽多人終不能挽回已去之前程也仰府依法究詳

一件檢舉貽累乞憐分豁事據本司刑房一科典吏趙一經呈蒙將趙以化革役妄告挾恨申明檢舉等情批

訪得趙遇芳係極惡兇徒問擬革役人心痛快緣辯復自謂得計不知左右布政鄔熟於吏事因庫收繳遲吊卷查者灼知奸計即命開詳細觀卷中所批毫髮難掩參詳原行係在刑房後次辯復賄行二吏則其隱匿王院革役此詳奸計固已在此豈知吏弊可作鬼神難欺左右布政鄔旣以洞燭神奸本司難以姑息况近日比併該吏稽察停案各吏畏懼刑責行催未完乃其職掌而趙以化污詎一經公行告訐參詳二詞俱屬虛捏除將趙以化二狀行付外趙一經所告案候另詳兩院施行

一件欽取象隻事據指揮楊秉忠呈土官陶金越境
前往老撾買象六隻却又捏詞瀆申止解二隻等
因批

處申陶金以

欽取象隻爲由越境往老撾買象六隻却又捏辭瀆
申止解二隻此等舉動全不學好今被元江府土
舍頭目呈稟有何顏面本司屢以好言訓教欲其
變惡爲善豈夾性難馴或者小人撥置故陶金不
免於十寒之累耶仰毛通判省諭陶金凡事從正
路上行自有許多好處若只信小人撥置此是自

取耻辱何益之有陶金只防袁欽寵挾害今者元
江府土舍頭目呈稟豈袁欽寵主使耶仰速改悔
勉爲忠順速繳

一件象隻不敷等事據臨安衛指揮陳愚志呈聞陞
守備辭買象隻緣由批

守備地方責任匪輕

欽取象隻事體不小陳愚志奉差已經兩月却乃遷
延不卽起程驟聞陞遷卽行推避可惡之甚向來
司道觀其才貌似可與進故言于撫按得塵薦剡
豈得朝聞陞信夕起邪心爲事不終報効何在姑

記仰臨安府卽日催促起程此繳

一件象隻不敷等事據大理府申指揮閱照前往孟
璉採買象隻各官廩糧隨跟人役口糧藥餌硝黃
等項并各官預借俸糧動銀係奉

欽取象隻勢難遲緩况有上年舊規只得動給催促
起程等因批

舊時買象官員多就省下差委指揮千戶其各官
隨行人役自有定數牌上所開不敢濫加其各軍
伴自預借月糧之外原無別項名色是以指揮王
世隆楊春育起行之日不敢分外須求指揮閱照

何敢妄行呈請卷查王世隆楊春育各預借俸六
箇月各軍預借糧四箇月而已仰府查照行繳

一件地方事據武定府申稱本年三月初二日據覺
察張順把事解應春等呈鳳繼祖繼子阿五聞建
哨移往會里州住坐阿茄其子鳳豸於二月初五
日中毒阿茄初六日鳳豸初七日在彌勒場俱故
諒絕武定之念等因批

本司於隆慶四年六月按臨該府欲於松子園建
哨設兵防守十五日謁城隍廟默禱於神是夜夢
中城隍之神報稱此哨一建諸賊不久自滅次日

早曾與劉太守密言不敢漏洩卽今阿茄鳳豸相繼亡滅誠是天誅如有神助所據該府城隍有靈禮當報謝該府擇吉日具豕一羊一羊一率師生里老以本司意指致祭於武定府主城隍用彰報謝是日仍遍諭民夷以共荷神明福庇具遵行緣由繳一件修理道路事據貴州普安州中解遵將發下官銀會同指揮孫世臣收貯親詣丈量原議雲南坡改修分頭拘喚舖軍陳廷用石匠陸仲科等承認結狀修砌等因批

據呈修治道路頗多而數月之內卽以奏功具見本州才力但前此安南衛砌路本司專委吏戴宗秀在彼督工凡有脩砌不如法者不給工價候另砌完日方行筭給以此人畏重復必求牢固該州工程幸已速成聞知行人所言以為不及安南未知果否仰候殷經歷至日勞賢守不惜二三日與同循行各處若未牢固者行令另砌方給工食此一勞永逸之圖庶不冒費錢糧也惟賢守加意此繳

一件查理坊牌事據左衛經歷司申都御史孫坊牌以致夫匠不齊遂爾愆期請乞此行把總查照原

議數目撥補等因批

前此凡有興作俱係百戶官營求致將官銀侵尅夫匠折乾工程屢年不完奸貪因此獲利本司今改委經歷江永因各官精健可用故茲付托應用夫匠俱該照數撥給不許鬼名撥補不許挪移更替仰段彬崔象賢同心共濟有罪毛愷即日解報

一件願告休致事據大理府同知鄒國璽告稱兄弟多故母老無依願回侍養本司呈允致仕獎勵本官緣由批

看得本官立心願爲良吏每念不遺二親作令作牧不以家累自隨其苦節鮮與爲伍郡丞州守唯以退休爲念其孝誠不假強爲增銅課至數千金而毫髮不染合省宜讓其廉能修閘壩至十餘座而灌溉有濟沒世難忘其利澤路南黎老愛如召父鄰縣赤子願借寇公本官獲上待民如此而苦欲乞休及聞得反初服而喜動顏色推是心也誠不以三公易一日之養而諦觀司道崇獎之言亦愈於一歲九遷其官矣歸田之后敦行孝慈表率鄉里俾新津縣列名鄉賢端有望焉

為禁薄俗以保全生命事本司常經行城下見有
用蘆蓆數片搭成蝸棚者問之輿人曰窮人賃房
者婦人臨產其房主逼令出外生育不得已沿街
搭蓋蝸棚驟遇風雨多有母子俱死者切思同鄉
之義疾病相扶持患難該相恤富家租房與人平
時受其房錢至於臨產逼令出外驟感風寒致令
身死明有威逼之情若據事例不宜輕宥又賃房
居住嫁女者俗忌不許女人在屋下開面其姑來
娶婦則女人坐於轎內當街開面夫閨女出門不
得在父母膝下脩容而使之當街開面俱非人情
此等敝俗通省皆然和沿未革殊為可恨合候詳
允通行各府州縣今後凡賃房居住軍民其妻臨
產與嫁女者房主俱不許逼令出外生育當街開
面遣者若母子俱死則引威逼二命例問發充甲
如或致死一命者依律問斷追埋葬銀十兩兩隣
不行諫阻者一併問罪不容在家開面者問罪完
日枷號一箇月發落仍給帖住房人免出三年房
租事犯兩隣同罪此法行則貧婦生育者不苦於
野宿而閨女臨嫁者相安於室家此不惟全漁婦
女俱感生成之恩而自此以後得蒙全活者皆軍

門再生之賜矣

一件查究事據昆明縣申詳問過犯人德玄卽楊仲經等招由批

看得三華係名山妙高原爲古寺梅太監鼎新殿宇莊嚴妙相廣發慈悲黔國公喜捨海田歲資租谷惠養僧衆聞先年在寺焚脩者計有三四十一人名山勝地足爲一方增重比因奸徒貪利冒剝爲僧一入寺門攘爲已物恣意典賣全無顧惜李林等貪其價輕租重攘臂圖謀不知各家旣得肥饒而佛刹漸次銷鑠矣如此惡業萬古不磨惜此

庸愚誤入坑陷該縣於此查理明白具見用心楊仲經楊世舉追贓完日楊仲經發炎方驛陽世舉發易龍驛取庫收收管領狀繳王鳳岐解司責治一件積年欺造國恩苦虐瘡痍事據武定府申詳問過犯人李春榮等招由批

看得知縣

濫叨此官無心民瘼三年支俸

大半走差欲假此以娛悅上心而夷民困苦若越人視秦人肥瘠也夫本官平日與民旣不相親至朝覲行時又有許多科索快手四名雖經申請每名八兩科派難當且各府知府應朝亦無此例阜隸

四名每名既有工食八兩矣何爲又有兩具安家
五兩此外又有同門子書手盤纏二十兩又於直
堂皂隸內抽取二十六兩名爲皂隸盤纏實是假
借名色夷民雖愚耳目難掩據此科派之情相應
追贓革職念係連年打差或無積聚長行無措冒
昧妄爲但夷民何辜受此毒害本司原日受狀其
意在此該府愛厚屬官留情遮護無知赤子何人
介懷仰候 回日問擬應得罪名具招詳詳
其皂隸四名工食并兩具安家盤纏共五十兩查
原派夷人姓名備細詳以憑追給李春榮等依

擬李春榮安寧驛實收收管領狀繳

一件狼惡勢徒欺隱錢糧等事據晉寧州申詳犯人
趙美新等招由批

據招趙美新揪打趙時過有傷該依同宗無服卑
幼欺歐尊長加凡闖歐成傷一等律該答四十減
等笞三丁該州所擬欠常又納贖則例有力納米
稍有力納銀該州旣擬趙美新納米不宜稱稍有
力闖歷二州矣於此尚未了了耶趙美新仍具羊
一牽酒二罇牲四品同本宗老成族人四五人到
趙時過家陪禮趙時過仍置酒款待取遵行過緣

由弁庫收回報趙美新姑免責

一件伸冤枉誣事昆明縣申詳問過犯人楊舜韶等
緣由批

看得舉放京債者本銀一兩利銀倍之楊舜韶托
李茂芳放債三百六十兩雖有楊大盛等欠銀一
百二十兩而中間得利固已多矣此非父娘資本
乃益山縣百姓膏血也舜韶騙人財物人亦騙舜
韶何必追論至於追李茂芳保頭之銀此爲不近
人情市井交易必須保頭旣爲保頭自當取利今
判李茂芳替楊舜韶做保頭不該取利此以一介

不取責李茂芳原情定罪不宜如此所據二十四
兩保頭之銀原不該追取實收繳

一件比例告給長夫銀兩以便還鄉事據貴州普安
州申照得已故姚州知州吳師朱賢聲素著於鄉
評惠政兩孚於郡縣表其它里風教攸關合候詳
允結申貴州提學道轉呈兩院同已故知州孫科
一體表揚庶崇報無私而闡幽於旣往儀刑有則
而示化於方來緣由批

邇來士風下衰廉耻道喪有司官員惟求苟得孰
恤民窮已故姚州知州吳師朱愛民真如赤子持

已凜若清冰催科不擾視各邑獨能早完聽斷無私雖匹婦皆能自盡誠

清時之國寶適用之良材一旦淪沒孰不痛傷據呈轉呈兩院學道同孫知州一體表揚不惟慰清魂於既往實可啓俊髦於將來候允詳至日申報繳一件狼惡強徒賺盜家財陰陷三命等事據雲南府申解犯人趙雲桂等四名緣由批

叅詳招情大畧已明尚有未盡凡典當衣物者必有指引中見之人其銀主亦必候有的當中見方肯交易據招開稱向不記姓名人家當得銀兩使

用此是餽辭又招稱將金釵一對銀挑心一根等物陸續向人戶不等各家零碎共當肥二百索夫金銀首飾輕重不等計有三十二件衣服在外此豈止當肥二百索又朦朧稱人戶不等而俱不列其名此是騙賊奸計凡此二項須令一一供出各銀主姓名以憑追斷揭查大明律共犯罪稱首從一條內開侵損於人者以凡人首從論據此則趙廷桂該爲趙雲桂從不該引家人共犯之律再詳凡女人莫不愛其夫莫不知愛其女又莫不知愛惜財物今楊氏被趙雲桂兄弟二人誑賺盡將金

銀首飾衣物被二賊騙去若非蠢愚痴騃不省人事必是強悍剛狠自做主張又不然或與二賊有別情故財物不吝夫女不顧而罄身家以娛悅二賊不恤也據律有七出之條而楊氏將楊東光母箱內衣物盜與二賊此犯竊盜之律楊東光若有剛腸只該離異此婦豈可以一省祭眷戀賊妻本司批駁一字一句皆從禮法中流出賢司理從容玩味方知斷獄一事極爲精密也另招解報一件懇乞察寬救豁事據本司吏趙一經訴稱誣經係吳秀才姨夫有銀十二兩段二疋託送魏時敏

等情批

據楊傑執稱楊仁因與上官陶金私通往來每年陶金差目把到省卽投楊仁收買器物隆慶四年有土官知事江文私自到省陶金托楊仁代買戰馬棗騮一疋得價九兩五錢青馬一匹寸三兩五錢楊仁因販賣得利用銀十二兩五錢買普定青馬二匹於指揮王世隆家典房喂養五年五月二十五日牽放南門外詞場陳華家喂養接受陶金銀二十五兩憑目把張燦熊尚智交銀著令鞍子匠趙一元時應登賈四兒做成鍍銀馬鞍二付每

付計銀十二兩候張燦起身之日付足後楊仁因見張燦領有銀牌花紅即不合向伊哄說你將幾兩銀子替你布政司打點使用差一楚雄衛指揮齎賞到府何等光彩張燦等依聽當付銀十兩仍即代替寫狀一紙付張燦等至布政司具告要行文楚雄衛差指揮齎賞等語本司查各處土官進象原無差官賞賞之例不准揚仁見事不諧又不合向張燦等哄說今有妙計另寫一狀只求差委景東府毛通判送賞斷然依從等語張燦等又不合依聽執狀赴司纏告本司即時叱出不准本司

因張燦等屢次赴司纏告恐衙門人役有騙財情由又因威遠州土官襲職事情訪知敗露將楊仁拏獲行本官究問而楊仁在監數日聽憑積年老囚撥置將販賣戰馬營幹賞賞文書指稱打點等情不行供報又捏一斷虛情摭抵其情可惡據趙一經供稱賓川州人有妻李氏妻父李貴才吳懋賢供稱雲南右衛軍籍有妻楊氏妻父楊舉然然則吳懋賢趙一經原不係兩姨夫而楊仁妄供前情即此一端餘難准信除將魏時敏趙一經吳懋賢省發外仰陳經歷將楊仁并積年通把張燦熊

野南紀卷八
十一
尚智查照律例開詳

一件請官管理操捕事據前衛呈千戶李文潮印務行右後二所千戶金詔董天民於內定委一員管理等因批

本官干過半百幸叨推選理當奉公盡職以報上司知遇之恩却乃徇情市恩妄行呈舉若使本司不知誤用則貽害貧軍孰任其咎本當參究姑記仰從公推舉速繳

一件貪酷索財致死人命等事據雲南府申解犯人王世朝等緣由批

看得張趙二姪堃充屯軍張文燦既已充徒戶內人丁除生員外自應堃充軍役豈宜占用貼丁又將趙姓擾害楊祖胤粗頑鄙夫奉何明文不將張家僉丁却將無干趙應科酷刑楷打與見行事例實相違悖仰理問所另究招詳

一件貪官讎挾挑刑移害等事據臨安府申解犯人吳從仁等招由批

看得吳從仁以賣放徒夫問擬枉法受財據招已
有可疑而審全無一實招稱吳從仁憑董均生接
受楊朝臣段小二楊三贓銀一兩與刀二把斫開

木靴手肘各行脫逃卷查隆慶四年五月十三日
係臨安兵備道經過本日尹鶚同吳從仁馬牌張
廷美送至曲江四鼓方回本日夜間楊朝臣等乘
幾脫逃去訖尹鶚於本月十五日將楊朝臣脫逃
情由申報兵備道據此則楊朝臣等脫逃之夜吳
從仁同尹鶚送官未回也安能飛身化氣又至通
海脫放徒夫耶尹鶚因吳從仁告發驛傳道訐其
占騎魯鳳之馬思無搪抵乃於本年十二月捏申
吳從仁受財賣放徒夫若以十二月申文爲是則
五月何以不行訐出若以五月申文爲是則十二

月所申皆誣捏也卷案見在何乃陷人若此且招
稱前此吳從仁受楊朝臣等銀一兩係未到庫子
董均生過送後次在省城吳從仁接受楊朝臣銀
五錢係未到徒夫夷得知證夫董均生與夷得俱
係緊關過付知見之人今二人既未到官面審則
賊銀有無憑何執證却乃憑尹鶚一面誣陷之詞
徑坐吳從仁枉法受財之律誠爲有屈無伸真是
紙棺埋葬據張廷美稟稱庫子董均生吳杲挨監
房居住監房內有徒夫四人楊朝臣等三人在逃
有王印時尚在切詳董均生吳杲既與監房相鄰

則楊朝臣刀斫木靴手肘豈不知覺若吳杲仁如果得財賣放則王印時決是知情今乃不究董均生吳杲不問王印時而霹空將吳從仁問擬徒罪革役是何法律其典當舖陳係是吳從仁在省顧人攢造查盤文冊因尹鶚不寄供應故將段被等物常銀一兩二錢驛傳道循字文簿顧情通海縣書手張鵬羽書寫每季工食二錢缺少三季該工食六錢以此將文簿於通海縣艾家當舖銀六錢與張鵬羽原非在省當舖銀嫖賭其通海驛廩給口糧原係馬頭支應尹鶚盜支在庫官銀因被吳從仁首告在縣知乃將府解提學道批迴影射又於十二月將餘銀七兩二錢解回該縣收庫若官銀該領出支銷則不必又行解縣若據後來解申縣庫則前此原不該盜支今查通海縣解來卷宗無有吳從仁首狀此是尹鶚用財埋沒承行吏典相應提究陳推官查盤其造冊紙劄工食該銀三兩官吏贖罪二分該七兩今却科馬頭銀十五兩係因公科歛財物入已者律又借馬戶銀止於八兩而科收至二十一兩此是詐欺私取財者律仰理問所依律究詳

一件恤刑事據昆明縣申修理并置辦什物等項共該銀一百三十五兩五分於預備支銷銀內動支等因批

議原恤刑按臨造辦什物該銀一百三十五兩五分但細查原日冒開之數頗多卽今製造未免勞擾舖行及恤刑起馬之後前項什物何處收貯欲以留後五年恤刑到日公用不可得也本司將書冊所開逐一看過凡係貢院中所有者俱准借用凡應造用買辦者俱批一准字該縣造一方冊以借用貢院者開列在先以用銀造辦者開列在後

應用銀兩總數目備細開報候東察院脩理完日令縣丞李峨同禮工二吏赴司差官將貢院什物一一點明交付官吏領訖其領赴司回繳內有損失者動支官銀修補此於原估可省三分之二在今日舖行免製造之煩在日後無收貯之累又可以革該吏一番之常例也仰遵照施行此繳一件惡族吞產乞憐超拔孤苦事據大理府申詳犯人楊立等招由批

看得回保係異姓惡種奴隸賤流何收與正枝子孫互相告訐又爭奪財產又妄誣正枝子孫揚言

為姦生前此問刑官員律例不明貴賤無別斷銀
八兩田四畝與此奴隸既已糊塗後此又斷銀五
兩田三畝是何律法楊門之田之床楊氏正枝子
孫不該享反斷給奴隸耶所據回保淫兒無狀夫
庶革役歸宗不許冒姓楊氏楊言被告數次疲乏
可憐相應免究取庫收繳

一件查理錫課事據臨安府申詳犯人郭起宗等招
由批

本司因姜驛僻居邊徼無有衙門故憫念蟻官准
與差遣豈意起宗立心不臧欺上罔下隱匿狂曠
不行報官背負厚恩情理可惡本當追贓革職姑
記除贖完外罰銀五十兩同課一併解報該場曠
旺如此每季應否止加銀四十兩仰府悉心議詳
程應賢到場頗有說話全不足憑也另委廉能官
員如金石并者方可信托此繳

一件大造黃冊事據晉寧州申詳犯人張拱辰等招
由批

查得張拱辰李仕達挾騙書手財物至百人以上
入已之贓約有數十餘兩今止於十五人贓騙三
兩何也二犯名下仍各追銀十兩該州境內孔道

橋梁道路如有應修者委善人姚宗文領銀修砌
張拱辰姑依擬取實收領狀號票繳李仕達從別
卷歸結該州六房吏橫行者多此姑就所知者治
之耳按院訪拏亦不能盡如二吏罰追之銀或有
花費難完許於六房內告人幫貼該州從便追發
修砌文到五日內限銀完十日外起工該州先將
應修處所開報

一件侵賣官漙負累賠課事據白井提舉司申詳犯
人張鳴鳳等招由批

處招五月二十日奉到書冊其刊刻榜文則於四
月十六日到司矣吳知州於正月十六日到司已
奉本司明文將漙給散各灶丁矣積年課長恬不
畏法擅敢將已分給灶戶之漙公行侵奪計贓定
罪俱應擬徙姑從輕止擬不應從重稍有力仍於
二月初一日起至五月二十日止追各課長侵分
漙銀解司作正限歲終同課銀解報如違將該吏
坐贓革役張鳴鳳等依擬贖決實收領狀繳

一件革積弊裕國課等事據澉江府申詳莫卜塲銅
斤由新路發行設立總甲在府巡緝又設老人二
名在塲巡察銅斤一應興革私銅弊端伏乞俯察

緣由批

該府議開新路不惟禁革私銅有裨國課又便益商人且新城居民得資衣食之利裕國裕民誠為兩利但總甲作弊與攔秤同是在該府覺察之耳所云巡山老人給以印信文簿逐日合爐戶報煎荒銅註簿此須先行易知州到場點查爐若下座每日自卯至酉可煎荒銅若干然後每月稽其到府之銅多寡懸絕則必有大夥私銅由別徑而去者矣據簿一查此可收問也至如嚴諭各村火頭緝捕充賞固是一法又恐火頭得錢賣路此亦難以盡憑惟是府州上下同心用意稽察則奸弊自省板橋居民煎銷蟹殼此積祖世業也新城餘地尚多要人填實即今宜召板橋爐戶到府各受一廛仍舊煎銅不廢世業此便民事也該府宜使宜施行本司總轄一省凡事當興革者皆熟計利害然後斷然行之所以不厭再三者蓋意在必行欲得其詳故耳該府不必顧忌遵照此繳

一件請給鹽貨引票以清商稅事據姚州普昌巡檢司申本司日每經過客商鹽徒並無引票不經查驗徑日出行中間夾帶違禁貨物遂入夷方無票

稽查乞行填給引票驗發等情批

看得客商駝塩運貨者雖經由普昌巡檢司但塩客販益原無稅課其過往商人縱有違禁貨物大明律內原不曾假巡司盤貨之權許金鰲欲索詐客商而無由輒敢冒昧建言據此一端則金鰲騷擾地方科虐行旅不查可知仰姚安府提問解詳一件霸惡襲勢謀占田產等事據雲南府學生員方寸孝告鄉官封祖裔私債准折莊田請價容取贖等情批

此田必方寸孝亡父所賣也價值果虧何不於封鄉官存日告理乃今欺死瞞生結構祖壽扛幫詐財致將賈氏告害田土小事惡棍詐財可使鄉官內人出官乎封鄉官平日重利輕義不滿士論頗多然二棍不可開此厲階也仰雲南府同朱同知問究解詳

一件乞恤孤老事據雲南府申放給孤老并有疾生員陳天寵等月糧緣由批

仰府行陳經歷驗給府中承行吏書盜支頗多常例不少以民夷終歲勤動所入不能養顛連無告之人而終年爲積書猾吏鼠食真可痛心本司已

訪有的據不知陳經歷肯任怨舉發否本司拭目俟之此繳

一件學政事據趙州申行據本州儒學學正史胤查覆事由抄謄書冊申報緣由批

二教職所呈皆先資之言也今以此開行本州申詳本司必以此播之人士矣此後須躬行實踐不愧今日所言則每日接見州官下臨人士真是內省不愆無愧無怍若行違其言終違其始則無以致州官禮重而更無以服人士之心今日所言其自欺欺人之罪大矣書冊中已有細批該州仍行

二教職遵照此繳

書冊內批

風俗乂頽古道難復一時恐難挽回昔者王烈勸誘鄉里陳寔化行比閭皆以身先之故人心信服今作教官的要人心悅服無有別法只是辨義利明取舍自節禮之外不用意需索童生進學隨人盡禮不憎多嫌少厚增幫補來則受之無所容心若有生員貧窮或值患難者加意扶植俱以實心行之如此即是第一等教職也

一件傳奉

聖諭事據雲南府申稱買完隆慶四五年分借解足色正耗金共九百三十四兩二錢五分乞賜請官剪鑿等因批

前此剪鑿金兩該府有委官本司有解官承差各員役日費金戶供給且有常例三十餘兩金峻懼法已曾不受宋經歷曾否悔還金戶當此苦差已為虧苦各員役仍要需索必然男盜女娼自今為始本司不委官煎鑿亦不差解官承差監看徒增騷擾該府分付十爐頭用心煎鑿如成色不足罪坐爐頭其金匠沈宇騙索金戶久矣毋自取重究

繳

一件除奸革弊分豁民情事據雲南府申詳問過犯人龔職等招由批

看得十爐金戶每爐出銀五兩五錢此是向來積弊今招稱鑿銀不及每爐止是四兩共銀四十兩此必是十五兩使用之銀難於開豁故爾遞歸且招開煎鑿炭火銷金匠役工食俱係金戶自行借辦則金匠沈宇又何以在科斂銀內索受銀十二兩六錢捏稱收買硝礮炭斤前後情節自相矛盾且焰硝一斤該銀幾何礮砂一斤該銀幾何每金

一錠約用硝礪幾何今以十三兩六錢硝礪洒派二百錠金子恐難花銷若沈宇實曾接受中間詐欺頗多相應與龔職鄒文一併擬罪至於三錢道金櫃四錢造法子一兩買靴俱係龔職多方開豁難以准信仰雲南府另招詳報

一件除奸革弊等事據雲南府申詳犯人龔職等招罪緣由批

龔職鄒文不遵教令擅行科歛據賊未見入已俱已送人本司必於行法者蓋阻絕後來之科歛杜塞衙門人之索詐耳沈宇獨行生藝趨錢已多

又復詐取財物難以輕宥又據衆金戶扣頭爲龔職鄒文二人乞恩姑從輕於三人名下共罰銀二十兩砌晏士坊以西至縣學前大街聞金戶於此月初向真應觀建醮不知同心幹辦公事出錢修砌道塗此實在功德也玄武有靈亦必衛護仰府速令遵行此繳

一件宿疾累發不能供職懇乞休致事據澂江府申詳本府知府徐可久告致緣由批

該府累次乞休本司豈不體亮但眼前實心任事視國如家似該府者能有幾人即今澂江士民願

留召父地方百務倚庇方殷一旦舍去恐亦不恐
蓋名實已孚於上下而退休未愜於人心故也審
時度勢須借寇數月使城工府治俱已訖功銅課
哨兵各立常憲比時膚功已奏決難挽留蓋不朽
之績在於河陽則明德美功可以仰荅

聖朝矣惟賢侯安心寧耐弘此遠謨繳

一件利國濟民事據易門縣申查勘得必尋等場山
脉形勝將來必有大旺准令開挖發票納課等因
批

看得開礦煎銅爲民興利國課日增本司豈肯固

執但莫卜場委果衰微則必多場叻峨開其節據
杜文餘等屢屢告稱莫卜場礦衰又捏稱無炭要
另開必多礦場今據激江府申稱板橋所積蟹殼
約有五萬餘車可鼓五年發運煎銅之家炭積如
山然則莫卜場原不曾衰而炭原不曾乏也况販
銅下水商人止有此數目今莫不場屢年積下之
銅販賣不盡即使又開必多一場決然銅多客少
課程必不能增而莫卜場之銅更加阻滯奸人必
欲另開一場本司察知其故即今下山客人於十
四秤之外更多四秤亦已足矣訪知十四秤之外

夾帶尚多其在山爐戶除發商外私賣與曲靖衛
豪軍走小路者尤多也今激江府立法嚴明查爐
戶每月煎出之銅稽每日到府之數又稽查十四
秤之外不許多帶是以爐戶奸商均有不便於是
用財買囑積棍柱文餘陳挺饒魁赴司告撥本司
灼知奸弊不與准行今又買出劉榮易黃赴撫院
具告據奸人之計若開必多場此中禁網踈濶恣
意夾帶則人皆棄彼就此而路南州銅必然壅滯
至省者少爐戶商人生情捏告以爲新路開銅不
來課難辦必復舊路而後遂其夾帶之計則又棄

必多場而趨莫卜場也不知莫卜場雖一年不發
銅至省城本司銅課不乏每月將店戶納過大票
挨次發票追銀則每月百四兩課程誰敢欠少又
卷查先年奉有勘合各場煎銅發脚止許發往下
水變賣不許逆往迤西地方蓋恐運往夷方爲兵
器之用則交通夷酋資藉寇兵關係不小蓋省城
每銅一斤價值三釐私發夷方每斤可得五六錢
之上嘉靖四十年六月本司據黃郡首稱夏延津
馬志等與收私銅潛往夷方將犯人擬徒枷號申
呈兩院衙門詳免訖若必多場一開由易門縣出

昆陽州過銅車壩趨祿脹背徑往迤西地方難以防範是杜文餘串同劉榮易貴告開必多場不止破壞激江守新路且欲潛販私銅逆走夷方圖獲厚利也本司若不揭查該典准與開究後日通夷啓倘執任其咎除饒魁陳杲行昆明縣解詳外仰理問所查提劉榮易貴一併究詳

一件貪官侵欺錢糧放風挾騙無干事據本司候缺吏余獻忠告稱新興州吏目廖然父子侵欺錢糧架捏陷害伏望案候等因批

看得賊官廖然營收屯糧連年不捨父子浪用恣

意侵欺三年十月本司已經發憑到新興州具有領狀在卷却乃央求薛知州仍欲收糧薛知州畏其刁詐代為稟白本司切責薛知州奸計遂息即今侵欺數多皆係本犯運回買田置產却乃將衙門上下人役恣意誑告卽衙門人役昔日曾受餽者固不待言如余獻忠者有何干涉亦行挾騙法所難容漸不可長仰雲南府即將本犯父子收監嚴併贓銀不許容令保外放風挾騙此由繳
一件發問事據新興州申准知州薛衛閔查得潘承祖原隨伊父徵收屯糧每石係肥則收五十四索

係銀則收五錢六分等因批

各官委收屯糧本司議定規則每兩加火耗三分亦不為少乃今每石加至五六分則每兩加至一錢四五分矣訪得各州縣官廉潔自愛者固多而加收火耗者不少相應飭法以警奸貪仰朱同知即提潘承祖每石追贓三分通詳兩院施行繳

一件欺隱田糧負累陪納等事據武定府申詳問過犯人玄閏等招由批

吾思齊原賣田與善興等若果係秋糧一石五斗契書錯寫一石五升豈有今經五十年不行告官

改正一向因何隱忍為伊陪納錢糧該府即查節年黃冊如吾思齊賣田與善興之後戶內別無田土則此四斗五升田糧似應酌處若尚有戶下田土則此四斗五升之糧安知非吾家故物今可一旦推與僧人乎且據該府斷自六年為始每年減徵米租一石五斗以為幫補俸朝陪糧之資以後當於何年住止即今無有明示日後終為禍根乞聞告狀一番專為吾俸朝拖賴租米又不容田主起業該府不惟不追夙逋又每年加額四斗五升又歲減粗米一石五斗加者不宜加減者不宜減

其何以服玄閨之心大學絜矩之教必上下四方均齊方正然後快於人心若如該府所斷奪一與一人情不堪若非本司推詳則歲加歲減租糧豈惟負屈一時不知貽害何極本司欲與賢守講明絜矩之義使吾俸朝玄閨彼此稱平然後此心為快也玄閨係楚雄府僧人雖非該府所屬然不曰蔡人即吳人乎本司旬宣此邦不論軍民僧道皆吾赤子豈可使緇流有向隅之泣耶仰細查黃冊丈量土田另議報詳玄閨所告俱實免究

一件詳奸殘害事據白益井提舉司申詳問過犯人

僕閨等招由批

看得白益井提舉官員舊時多濁濫不才所以課長老人貪肆無忌其程吏目亦開貼頭餘酒等弊事煩真的言皆有據此其積弊與眾灶戶無干皆在老人課長今僕閨等七人鼓惑眾灶逼令出錢科斂二百八十二兩為作衙門打點費用據法該引例充軍不在

恩宥之數既經王備等首告追銀一百四十一兩在官辛提舉批開作各灶上課字樣即係官銀僕閨等何敢不給眾灶恣意侵匿且塩法道於五月十

六日批詳限二月內完贓姑准徒贖及今十月矣
方爾具招殊覺違慢據招一百二十七兩於七號
老人李朝相等名下追完是矣其周四保等十五
名原領出一百四十一兩招前不曾明開各分人
已之數今却柴追前銀恐分派不均人心不服仰
李知縣再查周四保等名下原分的數以憑追併
庶豪猾多取者難以計免柔軟無力者不致混賠
具由另詳

一件釐正夙弊省民財以全民命事據五井提舉司
申准著印經歷宋庚條陳未盡事宜八條請乞採
擇等因批

黑白二井書冊刊成發竈丁各一冊使後有貪官
污吏不得變更正念五井竈丁貧乏者多官吏科
害不少亦須洗刷積污酌議新則查照二井刻有
成書分給收執庶可經久方擬牌行本官而得見
申文具悉雅志備觀先今申革九條俱是井上積
蠹本官畱心及此非有才志不能但弊孔頗多搜
剔須盡費用難省擬議要詳若搜剔不盡則貪肆
爲害流弊更多擬議不詳則過苦難行難免科派
據呈提舉司積弊九條鹽課司二條訪知課長侵

魚奸吏虐害科派多端卽如黑白二井所云生日
節禮之類不盡無也本官恐後人怨咨是以革除
不盡本官若欲避怨須令竈戶告言代爲稟白且
奉本司諮訪備細開陳則非本官之罪也至於擬
議公費又須寬綽使賢不肖可以通行查照白井
書冊逐款備議呈來以憑再議呈詳兩院施行或
公費不敷應該何項銀兩可以支費務要從長計
處以便通行議成之日亦如二井刊刻分給竈丁
則本官署印一時亦可而考永久矣速報速報
一件象隻不敷等事據永昌衛委官指揮王三錫千

戶辛鳳呈稱已將南甸干崖象隻買完今被莽酋
侵占道路難以前進將原領官銀解司等因批
本官猥蒙差委幹辦不前虛言搪塞具見狡猾閔
照亦人臣也經年在外勢求必得此等任事方見
實心王三錫姑免叅究仰上緊收買方可塞責否
則管事管軍恐未穩也此繳

一件發問事據埋問所呈詳遵將犯人伍玉等招由
呈詳按察司批示緣由批

看得伍玉喝令男婦克歐差人彼時伍汝卿固不
在場至於奉文行拘應審人犯堂堂二司孰敢抗

拒自九月初二日至今已二十日矣本司姑緩追
寬假惡徒竟長恣不悛事屬抗違法紀安在夫繁
纓小物而孔子惜之蓋防微杜漸之道也不意伍
玉一家敢於豪縱如此埋問官卑人不知畏仰雲
南府會同曲靖府朱同知從公究問招詳

一件公保循良事據通海耆民孫琚等連名告保本
縣章知縣立政愛民地方安靜被吏徐燦告害六
房吏書乞念小邑殄除兇惡等情批

該縣爲徐燦捏告似不能堪自本司觀之不足爲
異大凡橫逆之來賢人君子亦不能免大要在吾

自反何如耳兩院有激揚清濁之責故凡抱牌控
告者情僞難知豈容不准然既付之本司則涇渭
自分初次一繫行提法也繼後先提事內人犯而
本官另行情也然情不勝法畢竟從初法爲當耳
該縣如老成有見識達事情速將人犯解府轉解
自己則解印綬束身赴司辯訴衷曲本司審係妄
誣即令回縣理事如此則該縣情事瞭然無疑衙
門體統於此曲盡雖寸雲蔽日少焉其明固在也
要之本司體念賢屬用情固爲周至該縣居官守
法毫髮不可差遲節觀兩次申文似是欠諳政體

蓋印信公移惟縣中公務得以行之今申訴自己
衷曲則印信公移不可得用也本司不以文法相
拘又知被小人誣捏於此全不計較然今不一明
開則該縣何從知之也至於該學師生具呈尤欠
妥當假如縣官不賢師生雖有申呈必不信聽縣
官果賢上司藻鑑頗定又不俟師生多言今該縣
被人捏告本司必候師生有言然後明辯其誣則
本司端坐薇堂原乏知人之鑑耶是一舉之間待
本司者甚淺待縣官者亦非而師生之自待者更
欠妥貼該縣壯年有志而涵蓄未深事體未諳處

此便覺勞攘聞本司之教必有以自處矣本司批
教一以教該縣一以訓師生又以曉諭邑中父老
子弟也該縣敬聽毋忽

一件豪惡店戶侵剋公費銀兩事據昆明縣申詳犯
人徐莒等招由批

看得當月舖戶固有虧貼公費銀兩原議不少徐
世榮雖當一日之半既已製造象衣自應動支公
費貼補徐莒豈得以卑凌尊恃富欺老不行幫貼
則原立議約何人收藏原收公費何人侵匿據告
欲查追侵剋節年公費入官此是忿激之言但此

項銀兩當官用剩自該均分堂堂官府原不籍此
本司批縣速查回報正欲知其公費所入之數查
其賅賂之實而徐莒等欺瞞上下之情自不可掩
今已六閱月矣既不速報又不細查則告者迫切
之情本司批發之意該縣何若是其涼涼也若不
駁查則徐莒等圖謀慣便而奸吏李東陽之奸貪
得遂也文書至日將本吏截叅行下手吏頂補併
招速報

一件乞憐民累差吏解紙等事據大理府申貪吏李
鎰索紙戶銀兩尚有餘辜但已革役乞姑照罪發

落等因批

李鎰擬徒另招詳報該府查李鎰於何年月日到
府本犯情罪真實到府之日即該招詳何必候楊
性等面質且楊性等就使夷方生理決不往八百
車里莽噠喇地方何至越數月方有此申又不招
報也該府惡吏恬然不畏官府若此賢守若不加
意振刷恐爲衙門之累文書到日即將楊本茂革
役截叅將下手吏頂補仍查李鎰到府十日之外
楊本茂作曠不准實歷同李鎰究詳贖完日降四
等房科推叅繳

一件辯明冤枉事據大理衛見監千戶魏應元訴稱
丁品燒燬軍器拘監服毒身死陳繼先等各執相
同將應元屈擬重罪等情批

凡告放火當時捉獲有顯跡者方坐若指告者不
坐今據告稱地方查係丁品放火不知係地方何
人事干重辟雖指告者尚不敢坐查之一字就係
讎捏且就使地方將丁品查呈則魏應元當轉呈
道司查究自有公法豈得兄弟二人擅到丁品家
內將伊拖扯到家應元喝令惡弟行兇痛打至氣
絕將死方行送監應元欲掩飾打死真情却粧砌

服毒身死又重賄問刑通判誣捏一段招情大理
城中孰不為丁品稱冤然無人挨究至隱幸楊同
知慶與神通揭查卷案且趙經歷相視申文可疑
獄卒病呈有據參詳情罪開報到司已經批詳委
官檢驗久未招報弊屬該房仰大理府卽查浪宰
縣何日回文到府係何惡吏承行卽日革役撥下
手頂參先行解詳其魏應元坐以威力主使毋使
老虎出狎也招詳速報

一件役滿事據永昌府申石甸巡檢司吏趙應奎覈
實緣由批

仰永昌府查結看得石甸巡檢司民夷衆多常有
爭訟生齒既庶宰殺日繁流民奸豪欺凌土著巡
司小官刻剝爭訟惟是索財每日牛稅侵匿入已
前此府官或每年取有巡司公堂是以憑其不法
全欠經理訪之輿論謂須本府同知通判等官輪
委一員坐鎮以安民夷不知於地方有無利便該
府公清正直苟可利民當爲建樹仰稟白兵備道
酌議另行報詳

一件乞憐拔宥誣陷事據賓川州附學生員楊昂告
稱在昆明縣庠奮不自顧採民間輿論作策論書

上陳蒙會與功交獎豪恨泄事謀占百端冒死復
陳三策今被誣陷暗申等情批

看得楊昂被盜是實其失銀多寡所不可知安推
官以真盜難獲故令上舍龍承祖等描賠彼時失
少賠多楊昂不宜妄領其過在此至於廣西府聽
聞不審以楊昂出入總府此是極寃所當辯白據
告隆慶二年六月二十四日星回節冒死復陳二
策不知策內所陳云何如此舉動恐非出入總府
之人既經兩院交獎一時見聞必真乃今反以出
入總府坐罪宜乎其不甘心也仰雲南府備細查

據隆慶二年本生建言兩院交獎事情及令開錄
三策本司當爲洗雪不可使敢言之士終抑覆盆
也速緝

一件均水利消水患以便灌溉以省大力事據激江
府申舊府原有西浦龍泉一道兩泉並湧不半里
即入激江詢之開河可以救迤西淹沒之患濟東
南灌溉之利一舉三便等因批

西浦龍泉源流甚大前此不知開濬汎濫逆行是
以西街患淹沒之虞迤東失灌溉之利該府諮詢
有衆議開新河庶民子來三千雲集䟽鑿之功僅

施三日利賴之澤延於無窮况由新府西北隅入
城壕復會龍女泉折東南城隅入於海此名水纏
玄武新府體勢自是完全城中居民如在天府賢
守奠安激民必有此舉然後萬世永賴也本司得
此深爲慶幸新府工程稍完該府叙建置事宜呈
來以馮撰文刻石紀膚功詔來禩此繳

一件議處公費以免預徵賠累事據武定府申詳條
陳公費緣由批

看得和曲州夷民家無藏蓋體鮮完衣已自可憫
又因四十五年築城降慶元年勦賊預借一年公

費以致年復一年民力疲敝真所謂醫得眼前瘡
剜却心頭肉也署印官員醉生夢死惟知自飽豈
恤人窮誠如芻靈坐堂偶人尸位於夷民無毫髮
之益誠可嘆恨據今趙教授冊報五年秋季已預
支七年春季矣若非該府深察下情設法拯救凡
此藍縷何以自存本司猶恨其言之不早也據申
興革事宜俱已備觀各有批示其應增益者今須
議增庶免日後科派至於欲救目前之急則兩年
支剩秋糧准免解司用濟窘急該州得此銀兩又
兩半之中再加節省則隆慶六年春夏秋三季可

以支持否仰武定府再議申詳

一件公務事據安寧州申詳犯人徐樞等誑騙客貨
追解銀三十六兩內有馮大立等十二名查係鬼
名難以拘解緣由批

棍徒誑賒客貨故捏鬼名本司明開寬宥相應首
先完報却乃恃頑尚不出官切詳安寧祿豐祿表
一夥積棍赴黃元三處賒布非大南海北之人彼
此不相識者今據馮大立等係是鬼名李伯明等
原無住址無從拘追此是該州忠厚之過而無發
奸摘伏之智也今欲追尋馮大立李伯明等別無

他法即於徐桎等八名下訪追若十日內不獲即
將徐桎等併該吏鎖肘解司以憑親鞫在徐桎等
每人能孥獲一犯自免解仍免罪不筭過月利銀
該州明與說知利害除解到銀兩先着楊廷等具
狀收領外仰遵照嚴行此繳

一件公務事擬安寧州覆申行王朝保等六名訪獲
李伏元等六名追解銀四十兩給商人楊廷等緣
由批

李伏元等駑賒客貨展轉生利已經兩年既經客
人告發黃羅一供有姓名自當照數處還客商雖

非良民能畏官法亦可情恕豈意奸徒各捏鬼名
設心駑騙初次劉經歷差人拘拏一人不獲後次
委本州緝捕申係鬼名若非本司軫念遠商設法
捱捕則李伏元等六賊四十兩布銀化為烏有一
先生矣所據王朝保等六名相應免罪李伏元等
情罪難恕俱擬駑騙徒罪解詳若能於半月內緝
獲吳子明解司止擬杖罪招詳免解前此張六王
海不魯訪獲鬼名棍徒相應併招仍擬杖罪追兩
年利銀每月三分起利該州加意督捕限十一月
十二日報詳該吏董騰雲前此受贓今次違慢姑

記另行

一件乞賜酌處以便完納課程事據臨安府中十八寨所先年定立商稅課銀今田效忠黃如金管徵相應准擬徵稅幫補等因批

看得十八寨係偏僻地方原無商賈湊集雖有牛羊二街不過附近軍民貿易綿花米豆猪羊牛隻以通有無論法不宜抽稅前此不知何年利徒假報稅之名誑惑上司上司利錐刀之末准其收稅每年上納者止於十四五兩而私家所入不下十倍矣是本府所入僅有此數奸人籍此所得不貲

而夷民受其籠絡無處告訴本司出示議於隆慶五年七月以後免徵者蓋見其害而未見其利也其清查隆慶四年以前未完蓋惡奸人之剝削而又恣意侵欺耳據申田效忠黃如金納課能有幾何蠲此惠人其益甚大臨安稅司稍一清查則頃刻之間十四五兩可以立辦仰賢守冊加酌議十八寨稅課仍舊免徵其田效忠黃如金已徵者按月追銀貯庫報繳

一件土豪累陷打搶親管事據武定府申查得楊為棟不赴聽問欲將張拱北等拘發回籍太和縣當

差但查已經在井應充竈丁五代認辨課程且楊
為棟係太和縣民年久何不聲說似難准信等因
批

據稱張拱北父張相因充吏役移徙本井附籍當
差後家戶部主事陳杳將拱北等僉充灶役等情
切詳軍民驛灶原有定籍妄准脫免其罪惟均張
相原以太和縣戶籍起送充吏豈得脫民充竈附
籍當差據稱張相附籍當差延及拱北止是一輩
若果係主事陳僉拱北灶役悉查係嘉靖三十二
年父子傳流只是兩代僉定竈役止於一十九年

今妄稱公祖住居五代共約百十餘年頑民變亂
版籍逃避差役又敢欺誑官府情罪難逭且張相
避民就竈傳流伊子即今向草起井避仕者緣何
便有三十餘人蓋始初流移者張相父子二人以
後則戶丁相援相引其徒實繁原藉差徭不免累
陷濠此則楊為棟所告俱實而張拱北等宜回籍
當差也據拱北訴稱滿淡龜逃賣男陪納有屈無
伸今起取回籍脫此苦差諒亦心願仰武定府依
律議詳不必楊為棟到府此繳

一件貪污科害事據白益井竈戶李時中王倫告問

革吏趙憲李及時課秤人等各應追贓銀不行監
追獨將二人監禁緣由批

看得李時中王倫爲贓官黃廷楫科害竈民赴司
開單具告本司行姚安府行該井提課長秤手至
司其實王倫所告課長秤手實是借各人搭橋以
證實黃廷楫之罪原非有心害及各役也各課秤
同王倫李時中一路前來並未起買求之心因本
司細審課長侵奪餘瀆占恡得利秤手加收盜課
積弊多端課秤恐問重罪乃請求二人用財買囑
兩立合同求免爭執據此事情則出錢受錢之人

明係以財請求難以豪強求索論也據署印官李
洞然開稱王倫李時中出名告狀其實趙九霄李
桂中王俊在中幫助希圖詐財不意本司徑將黃
廷楫革罷詐謀不遂事寧之後趙九霄等欲向王
倫李時中挾分請求之財而王倫李時中獨專其
利以此趙九霄等不忿尋害無由適因王倫弟兄
家事紛爭提舉李廷圭亦欲爲黃廷楫報復乘此
觸機而發是以趙九霄李桂中遂行唆告之謀李
廷圭公行報復之計此白井一時變詐之情
縣見聞是的看得趙九霄李桂中王倫王俊李時

中之告黃廷楫或設意造謀或出身告狀事同一體今此請求財物王倫李時中既不首官又不還主又不分惠衆人即今事發何處逃罪但其罪狀止是有事以財請求今督糧道所擬以出錢人坐請求受錢人坐豪強求索一事二律似乎未妥切詳貪污官吏蚕食竈民者也積年課秤侵奪灶民者也試觀書冊裁革積弊上司何由灼知今因王倫李時中訐出行吳知州清查以此積弊盡除衆灶樂業科索既少刁風亦清是王倫李時中罪固難饒功亦足贖若不擬議輕重恐將來貪官污吏

有如黃廷楫趙憲者孰肯不毀身家自取危禍赴上控訴哉卷查隆慶四年十月王倫李時中起司投狀恐其在外買和將一人收鹽一人召保至十二月方據姚安府解人到司五年正月發回二人在省四箇餘月賃勞獄食滿辨苦艱緣爲一井竈民不是二人私事凡此下情亦有可憐請求之賊似宜量減其二人應入官給主銀兩固應嚴追須令保候營辦蓋所告究皆衙門內外兇殘若又幽囚恐遭暗害適以快仇讎之心杜後來告言之路仰著印官查照遵行仍造報審錄文冊聽院道會

審此繳

一件查理錫課事據臨安府申委石屏州知州金鑑
往箇舊場查理錫礦每季加增十兩供於硎頭晏
坤八曾國本名下加增解報其郭起宗管徵季內
發過錫一千三十馱係三年四年積遺之錫等因
批

據醫官程國賢等到場查勘止加課銀一百六十
兩今據石屏州金知州再勘每季加銀十兩事經
廉能正官方可信憑較量輕重自有斟酌歲加銀
二百兩相應依允據申郭起宗管徵季內發過錫

一千三十馱係隆慶三四年分積遺之錫非五年
分新出之礦竊恐未然若果係三年四年所遺則
晏坤八等歷年在場何不多招義夫淘洗煎煉直
至隆慶五年郭起宗經管之日方才用工耶且三
年天旱之水淘先四年春夏旣賊縱橫六月間何
通判殺退特賊且雨水調勻義夫到場紛紜採礦
礦場興旺無過野豬一場傳聞省下久已知悉不
才郭起宗奸豪晏坤八等欺匿礦旺經年不報及
行查增課則遣晏永馬京或告封閉礦場或告義
夫走散十無二三匹夫受惑諸侯如此金知州亦

信其曲說稱係三四年積出之錫本司或可欺也
此可欺臨安之人耶仰府將晏末馬京究問郭起
宗監併作速報詳

一件乞憐邊官俯請俸糧事據武定府中准武定所
呈土官千戶黃邦佐原該勅給土軍差銀十八兩
今要比照永昌衛土官千戶規則給銀二十四兩
緣由批

看得雲省土官指揮千百戶准俸銀兩原有等則
難以改移即永昌衛土官俸銀較之省城六衛多
三分之一其來已久各衛所土官不敢援例告增

指揮金重調往武定戍守即援永昌衛土官事例
加俸雖經本司呈給終於事體不宜千戶黃邦佐
豈得冒昧妄呈變更舊法卷查隆慶四年七月據
武定府申據黃邦佐呈稱家世武定祖宗墳墓俱
在彼中欲改調武定以便侍養本司清軍道行該
府查實呈詳兩院然後施行然則黃邦佐之調武
定原係自陳非金重病故調伊戍守今據邦佐引
金重前例比照永昌衛土官千戶要加俸銀至二
十四兩參詳前後事情則邦佐告往武定不為侍
養只圖多得六兩俸錢耳且邦佐以便於待養而

告回武定今却捏申金重病故調伊頂補卷宗向
 在揭查自知金重前事難以援引且據該府申稱
 別無堪動銀兩要在本司官庫放給大均一土官
 千戶也在六衛則一十八兩去武定侍養則加至
 二十四兩一二年後土官千百戶皆將舍六衛而
 趨武定矣俸門一開效尤者衆恐紛紛告慢者不
 能止其來而濟用庫之積無以應其求也仰武定
 府即提黃邦佐到官揭查上年改所卷案究問招
 詳

一件愚陳地方民情事據鄧川州申詳本州羊塘一
 里稅糧內除總府并阿榮宗三項莊田不編外其
 餘三百餘石應該隨糧編差入冊被豪軍惡客影
 射避差等因批

看得羊塘一里豪軍流商住種於此躲避差徭積
 成富庶而大邑等一十一里應辦煩苦貧乏可憐
 本司訪知此弊已久思欲得一賢守清理而均平
 之日夜望此至切也據申此是父母官為民首務
 該州稅糧止有此數百九差役俱從此出向因羊
 塘里不編差役而田土又係沃壤是以豪猾聚廬
 託處真為得計今又謀買各里民田收稅本里飛

徙影射為富不仁卽今不為清理恐豪猾因茲得計奸宄不免效尤舍此趨彼其弊日滋各里空虛徭役益重地方艱苦誠如救焚除三莊照舊不編差外其餘三百石應該查明隨糧入冊一體編差仰州候分巡道委官至日會同查勘議報如有豪軍流民用計阻撓者指實通詳以憑拏問此繳一件祈天斧斷叢虎賊害孤孀事處已故郎中封祖裔妻賈氏告族人封祖壽結構惡鄰張効孔楊岳謀害雲南府申解犯人封祖壽等緣由批
看得按察司斷此獄情雖給封祖壽銀一百四十

兩招中所言小人辜恩背義情狀極為詳盡其不以盜典田畝罪祖壽者非是惠利克頑亦以保安寡幼豈意祖壽安庸因此得志結交一二健筆才徒搖辱鼓舌恁意告言不奪不厭動稱大小鄉官騙受寡婦之財使鄉人不敢公言又揚言封進詐出主母之財饋送府官挾袁同知不敢行法今日雲南城中祖壽可謂橫行無忌矣且封祖壽兩次得分田產近三百金窮人得此十分過望小人全不知足蓋亦有因據熊應麟告稱祖壽自四十二年分出另居伊兄每年止給米三石六斗祖壽貧

乏難存投入總附暗害伊兄伊兄不忿具告學道
然則兩人情分久已乖離伊兄固以祖壽爲讎祖
壽處心積慮日望其亡而攘奪其所有也今日多
方挾告豈以報十餘年積忿乎若使封祖壽犯上
果真伊兄具告有據則彼此義絕今日公然爭奪
財產據法論情有何面顏大凡得過人家內有義
女使令外有紀綱之僕何況士夫今祖壽欲將此
曹一網打盡其心始快獨不念法司經斷之言乎
所云封進等恁苗應逐俱聽雲南府從宜處斷此
等大疑俱是切近人情若依祖壽盡行逐出則二

寡婦一痴兒煢煢三人手足何措近如汲水舉火
指使何人遠如取帳催租何人可遣封士彥蒙稚
寸步難行北宅南庄恁祖壽盜典盜賣靠誰覺察
久之蚕食俱盡而寡幼坐困矣此等妙計幽有鬼
神明有國法豈容縱肆據祖壽告稱封進楊生蠱
惑二婦招延僧道損財喪節今據祖壽士彥面執
僧人鑄鍾運往大理封進等稟白賈氏捨助脚價
銀十兩又差人往大理請僧人建醮此與祖壽議
行如此舉動誠爲損財未見喪節但壽何爲肆其
奸讒汙辱門戶所據封祖壽故違憲斷結構惡鄰

張効孔彼此扛幫捏詞告擾漸不可長其投入總
府雖經伊兄具告今不深究楊岳素行如盆成括
况與祖壽日夕往來踪跡可疑法當重究本司憐
其陷溺之久日下方將起死回生使保疆命不意
又尋死路姑再放生薄示懲創封士彥衣食不缺
輕易典田與耿思德明係私擅用財仰雲南府將
封祖壽張効孔楊岳封士彥擬罪招詳其封進楊
生等諭令幫扶封士彥營幹家務若欺騙家主官
司拏問究遣義女隨賈氏擇便出嫁不必限期免
被小人尋害

一件詭名覽納乞行查究事據嵩明州申奉鈞臺良
法任從民便斗斛如式耗米平米每石照舊其脚
價海肥十五索眾議不虧車戶方可經久等因批
據申自運總運各從其便牛車脚價經久可行俱
如所擬本官到任不久與民未親卽今收糧衆目
所視本官信知潔已不敢營私衙門吏書門皂需
索納戶更宜禁輯此不惟觀其有守又可驗其多
才卽此一舉足以加惠四境元元而誦聲作矣廣
備倉自革弊之後其來如雲旬日之間收米盈萬
此何術以召徠之哉費用省而輸納便也往年民

勞久候苦官之不早收今官知奉法惟恐民之久候蓋一轉移之間百姓受惠如此本官在州收糧宜體此意可也加耗三升乃止收正放者今既總運相應總筭每耗一石仍該加耗三升平米二升庶不虧損官攢仰州同查照施行此繳

一件印信事據雲南府稅課司申准署印經歷侯之彛關奉委管印半年多解羨餘六百七十餘兩乞委別官更代等因批

看得稅課司額稅舊時每季報收千兩前此監收官員與官攢兩相和同季報千兩之外監收宜與

官攢乾沒各半自隆慶三年秋季陳經歷監收報至一千五百兩其加一法馬加一秤兌仍又革除以惠商旅也此後各官監收者羨餘多寡不同其人才守自見較之數年以前稅司之弊十去六七矣前此府中取有公堂紙劄又行官攢辦酒因其額外所得甚多故尋常有此差遺今監收官各相策勵額外盡已解司官攢所收門攤各稅所餘有限而該府差派仍前不減恐無以安蟻職而恤小官也嘗聞整酒一次厨子班頭各要稅司常例五錢凡此下情應該體念自今隆慶六年正月起免

行悅司整酒其公堂紙劄俱行裁革仰府將班頭
厨子擬罪招詳

一件抗斷滅倫偏護異姓吞產坑陷財命事據尋甸
守申再於張氏劉承業名下斷銀二十兩給劉世
英弟劉世豪并妻楊氏收領發送世英身死田產
盡付張氏養老終身劉承業領當劉世英差役給帖
遵守等因批

看得劉傑病故遺產甚多張氏偏愛義男馬龍保
一股執匿並不分惠親族劉世英不忿告分巡道
行府問理而該府止斷田幾弓又候張氏身終之

日方給所謂待河之清人壽幾何此中委曲署印
官諒已備知劉世英不平具告到司內有乞另委
清正官等語前官以爲發其私也將世英重責枷
號問罪問革錢可通神如此世英遭此凌虐之後
衣破衫穿形神俱喪本司固知其必死矣不意竟
爾亡歿誠可悼惜卽今世英幼妻楊氏終難守志
而八十老父極苦無依仰府卽將世英原賣水陸
田一段計銀五十三兩教場門首水麥田一段計
銀七兩斷給劉世豪管業原賣田一段養贍伊父
以爲養生送死之資水麥田一段賣銀以爲埋葬

劉世英之費嗟以府州縣官受財枉法斷獄不公使人不得其死如此死者不可復生念此常欲墮淚官雖去任百姓口碑不磨也仰清正馬知州作速施行文到三日內報詳

一件明公道杜群邪以保全士夫體面事議處封鄉官家事使其彼此往來親義不絕長幼尊卑不失倫序各務保全門戶等因

照得封祖壽與賈氏訐告事情已經按察司斷明通詳兩院二比又爭小嫌告府不決各具告到司已經批發該府將封祖壽張效孔楊崑封士彥問

罪招詳外本司批詞已完召祖壽等面示祖壽批詞嚴如鉄鉞畏罪悔過口吐真情曰始初教唆告狀俱是某知縣主令壽祖稱無告狀財本某知縣引領至某教官家借銀十兩某知縣扣除四兩止與六兩及見祖壽典田得銀百兩嗔伊不行分給即往投賈氏得財偏護等情據此本司有得封鄉官故後祖壽告爭財產此是本心待時而發原不必要人教唆但某知縣老年在得日夜熱中急欲祖壽出頭可以居中用計蓋與楚則楚勝與漢則漢勝此等妙算着着不空賈氏係孤單女流誠

如傀儡憑人提撥有何主張一自經官由此箇箇俱要餽遺人人以爲奇貨而封氏之財不及於宗人俱四分五裂於用事講事人之手矣此其前事之失策如此即今群邪用計阻攔祖壽不容上門賈氏無知一見便罵此等歹意害人極深蓋祖壽不容上門則群邪得以來往蠅營狗苟恣意騙財况不通來往結怨益深日後兩下構辭又可撮哄誑騙今日愛惜鄉官體面者只願封家無事而群邪朋計騙財者只怕封家無事若封家和好無事群邪何處騙財今日各人阿諛賈氏只爲要騙幾

兩錢財有何好意若騙財不遂背後更有許多閑說要之囊裏財物有限群邪索騙正濃欲杜群邪奸謀須是兩家和好今面諭祖壽令其虔備牲醴請本家老成族人并二壻至亡兄靈前告奠謝罪仍謝過嫂氏賈氏將祭品以禮款待翌日賈氏具盤盒令士彥同老成族人二壻率領封進等至祖壽家謝罪祖壽具酒延款完日各赴本司回復謝教以後歲時祖壽該往拜亡兄神主並拜禮賈氏賈氏該令士彥往拜尊叔允家門春秋祭祀清明冬至上塚賈氏分付士彥宜請祖蔭祖德祖壽三

人享昨端陽年節祖壽宜具禮嫂氏士彥宜具禮
尊叔蓋禮意既是慇懃則情誼自然浹洽往來既
是不絕則怨恨自然消磨人非禽獸心非木石俱
宜改變亡兄家內如收租取帳被人欺侮或無故
被人欺凌賈氏請祖蔭等三人至家共同計議祖
壽帶領士彥至上司具告以扶家門士彥如被棍
徒哄誘典賣出土嫖賭封進等不守家規欺騙財
物祖壽宜同祖蔭等說知賈氏當面將士彥封進
等訓教如各改悔不必深究如放蕩不改賈氏請
祖蔭等三人至家共同計議祖壽直述事情執此

下帖赴官司究治以保全亡兄門戶如祖壽不守
本司教誡仍有謀淫別情賈氏請老成親族并二
婿至家從公勸諭若執迷不改許賈氏直述事情
執此帖赴官司告宥若兩家七主家人恪遵本司
格言不惟家難可免外面不受人欺此保家之上
計獨不利於羣邪耳

一件查盤錢糧事據雲南右衛經歷司申准經歷凌
寵閔查左等六衛軍器緣由批

看得成造軍器本為折衝禦侮之用今六衛庫貯
器械名雖屬於衛官鎖鑰都司收掌凡有取用不

得與聞是以事畢交官無從查詰節年委官因目
堆積狼藉不知設法盤檢惟據衛冊抄寫了事而
已上年經歷陳鳳舜奉委查盤頗稱詳確今衛冊
造報虧欠尚不開除額數仍浮於舊承訛習舊徒
具虛文切詳成造軍器動用軍儲官有侵欺俱擬
重罪今成器貯庫支以不明侵欺不究法紀何在
據申要將先年燒毀虧欠及未還官無從根究者
准與開除近年出征損折費用查免追究至於解
發各關隘者此除彼收聽委官查盤其餘應追者
勒限嚴追見在者造冊置區至於六衛專設百三
六員職司出入法始畫一事有責成據此一事亦
官徹首徹尾查覈極悉計慮極詳議法不苛事可
經久本司三復申文深切注念每見本官精神朗
朗以爲可以任事不謂幹才通達而又盡心如此
誠可與進仰雲南府再加酌議呈詳併將本司批
語叙入蓋下僚才志如此宜使兩院獎進以風庶
僚也仰候按院詳行繳

一件印信事據雲南府申稅課司每季舊規解本府
公堂買紙銀十兩以後裁革等因批
本官平日砥礪廉隅愛惜名檢署印所至兢兢守

法此等公堂發回該司毫無沾染其悉推操本司
於稅課司稽察極嚴策勵委官用意極至是以二
三年來額外報課幾及二千餘兩然本司不敢私
取一肥以為公用也該府常蹈襲故不是法紀仰
府抄詳立案革罷仍行文稅課司遵照以後不許
仍送公堂此繳

一件禮儀事據雲南府申本府整酒舊規行稅課司
廣備倉河泊所官一員督辦酒席發銀查無賠費
至於皂隸等役索錢其弊難保除查酌另行自後
公宴俱本府自備等因此

看得該府先時役使稅課司廣備倉河泊所整酒
原係相因弊政三衙門若果穢濁不清該府只宜
設法清理革故鼎新予以加惠商民蘇息漁戶此
是又身官愛民實政豈得因其肥潤便爾科差若
然則官橫綠此縱恣小民難以伸訴訪知此弊各
府皆然必俟賢者然後洗滌之耳據中原銀買辦
並無陪費皂隸班頭亦無索錢本司似不必深究
但據候經歷稟稱秋季整酒官吏賠銀九兩有餘
冬季整酒賠銀二十三兩即如圓通寺整酒三席
用銀四兩八錢等因切詳該府整酒既給官銀似

無賄賂若無賄賂則該府自應差人買辦似不必累及三項衙門及今行查則官攢豈敢明白聲說此如啞子喫苦瓜心裏知得口裏說不得耳該府即召候經歷到府虛心細審容其盡言如秋冬二季雖經辦酒原不曾賄過前項銀兩則候經歷該問妄言之罪而本司輕聽宜任其咎若候經歷言皆有據費用果真則府中索錢諸人亦宜查究下落姑免重究俱問不應罪名以示懲戒仰雲南府遵行速報

一件俯念士夫敦睦倫理乞憐宥釋罪贖書據雲南府縣二學生員夏誥吳懋賢等連名呈稱已故鄉官封祖裔族弟封祖壽與嫂姪告訐連及楊崑張効孔在內蒙府擬罪乞賜豁免等情批

封祖壽楊崑張効孔封士彥先經提解到司批發問罪本司又思得凡宗族構訟官司整齊以法不若聯屬以恩故給有下帖使各厚倫理篤恩義通往來本家男婦僕妾聞此帖文曉然知利害之所在于而封祖壽屢承教誡痛自悔悟如寐始醒其所呈祭文一篇忠厚懇惻足以慰死者之幽魂消生者之疑慮由此見天理之在人心原不泯滅特貪

心蔽固群邪蠱惑之耳本司觀此深有取焉及聞
祭奠行禮之後彼此諧和親族稱慶以禮爲教其
感人心如此所擬封祖壽宜取自新不追舊過封
十彥用違家教宜照下帖施行昔人有畏陳仲弓
者曰寧爲刑罰所加毋爲陳君所短楊崑自受教
以來愧死無地本司宜少緩刑罰張效孔薄乎云
爾可以原宥仰雲南府省論封祖壽等仰體本司
明教今次姑免究罪原詞准銷此繳

黔南類編卷之八終